

Ima PTT, elektr. rasvjetu, vodovod; ugodno prirodno kupalište pod ušćem Lučnice u Savinju. Dnevna poštansko-automobilska veza sa željezničkom stanicom. Izlet u veoma zanimljivu Logarsku Dolinu.

Obavještenja: Općinsko načelstvo — Luče.

Gostionice: Ojstrica, Raduha, Pri Slovincu.

SOLČAVA

Malo planinsko seoce (660 m) u uzanoj dolini Savinje, smješteno oko brdašca sa slikovitom crkvicom, do koje vodi strmo visoko stubište. Prijatno ljetovalište i polazna tačka za izlete u Logarsku Dolinu i na Okrešelj. Izleti i ture: K crkvici — zanimljiva stara crkvice. Glavna vrata s kružnim lukom u roman-skom slogu (1000—1225 g.), a ostala zgrada u kasnijem gotskom slogu (oko 1375—1520 g.). Odavle krasan pogled na selo, na Olševu i na strmu stijenu Raduhu. Na Olševo (1929 m) sa prethistorijskim iskopinama u pećini Zijalki. Solčava je omiljelo turističko sletišće i krajnja stanica automobilske pošte iz želj. stanice Smartno na Paki. Alpski lov. Prirodno kupalište.

Obavještenja: Općinsko načelstvo — Solčava.

Gostionice: Herle, Sturm.

LOGARSKA DOLINA

Za jedan sat hoda lijepom cestom i romantičnim klancem stiže se do veoma idilične planinske doline — Logarske Doline (760 m). Impozantna panorama Savinjskih Alpa. Krasne šetnje. Ovo je jedna od naših najljepših alpskih dolina, a po mnijenju čuvenoga francuskog geologa Ami Bouéa, koji je Logarsku Dolinu pohodio 1833 g., nema joj premca u Evropi do skalovite Gavarne u Pirenejima. Logarska Dolina je polazna tačka za izlete i ture na Okrešelj (1378 m) sa Frišaufovom kožom, Ojstricu (2350 m), Planjavu (2400 m), u Palenk, prirodno planinsko ku-

*Logarska
dolina*

Foto
Kunaver Jože

